



05371

批點明詩七言律卷十

東明穆文熙敬甫批選

石星拱辰閱正

長洲知縣劉懷恕校刊

莆田陳知占繕書

吳國倫 字明卿號川樓興國州人嘉靖間進士官

湖上草堂為德甫賦

穆子曰明卿律法精嚴光燄動人有明珠走盤之勢蓋在七才子中可以方駕于鱗

萬戶朱樓夾廣衢，憐君小築寄城隅。坐中山色群書擁，枕上江聲四壁虛。竒字故人爭載酒，席門長者漫停車。我來竟日壚頭醉，風景何曾異敝廬。

何成業

元美矣

明詩七言律卷十

河間道中

楊花如雪下城阿，匹馬班班野堞過。春事漸隨行旅盡，夕陽偏向逐臣多。武垣拔地雄三輔，瀛海蟠天落九河。悵望薊門烽火近，却憑孤劔起悲歌。

遊飛來寺同羅方伯賦

一線江流萬仞山，嵐煙迴合隱禪關。佛來自擁青蓮座，猿去空遺碧玉環。幽逕薜蘿穿象外，上方鐘磬落雲間。波銜片月龍宮吐，兩岸芙蓉可盡攀。

中聯若崇山崖起長虹舒宛

寄元美塞上

中脛如錦
帶吳鉤俠
氣翩翩

王郎別我欲銷魂。六傳飛揚出薊門。鼓角秋聲迴地
軸。佩刀寒色照天闔。馬肥首着黃金勒。客醉蒲桃白
玉尊。回首中原風雨過。不知揮涕向誰論。

登芙蓉峯

最高峯峙曲江湄。千葉寒光石室披。乘興偶騎黃鶴
至。放歌聊與白雲期。雙流夾郡嵐雷走。萬嶺盤空日
月垂。摘盡芙蓉天未暮。尋仙又過洗丹池。

黃鶴樓

黃鶴仙人去不回。漢家樓閣自崔嵬。千帆雨色當窓
過。萬里江聲入坐來。雲夢天低湘女怨。洞庭葉下楚
臣哀。西風何處聞長笛。亂落梅花到酒杯。

大中丞徐公攜酒枉過舟中竟日而別賦此呈

謝

短棹西浮二水來。故人開府豫章臺。衣冠偃蹇猶經
術。干羽從容自異才。嶂雨寒生滕子閣。浦雲光促李
膺杯。論心不盡江天暮。秉燭纔驅小隊回。

予自嶺南歸至黃龍江口會汪伯玉司馬顧季

狂山人並發鄂城先後適至蓋萬里不期之遇也促飲舟中達曙而別為賦二詩紀之時隆慶

壬申四月十八日

三作意氣
豪甚

浮海歸舟問故鄉故人何自遠相將一時握手歡如
夢萬里論心醉欲狂江口白波吹楚峽尊前明月下
潯陽林鳥欲起樓船發搔首乾坤意未央

文藻翩翩
縱橫如飛

漢水西來蹴萬山黃龍捲雪障江關那知天遣雙帆
到直為人從五嶺還書札浮沉兵火後劍光明滅斗
牛間百年今夕且高興明日風塵誰壯顏

明詩七言律卷十

三

何成業

再上滕王閣有懷于鱗諸子

高閣重登秋欲殘南州風物盡凭闌空江不斷西山
影一曲能令北斗寒白雪故人今寂寞紅塵傲吏轉
艱難中原未少相逢路散漫浮雲何處看

登塔

古塔峻嶒複道蟠西山如鷲捧危闌扶筇漸與彌天
近引筏新知覺路寬千樹影迴平野暮萬鈴聲徹大
江寒毫光夜夜凌無極只擬南州斗氣看

行次鄂渚遇徐子與至自滇

此作羊左
微烈可為
想象

萬里昆明尺素稀。洞庭何自錦帆飛。雙星倚劍蒼龍
合。八月登樓黃鶴歸。老去風霜無息駕。夢醒湖海一
沾衣。高歌郢曲須君和。世上知音有是非。

○登黃鶴樓

層樓極目楚天孤。騎鶴仙人漫有無。城郭萬家羅勝
地。江山千載見雄圖。風生秋水蘆葭亂。日落晴沙鶴
雀呼。白首不禁懷古意。一軒明月坐冰壺。

洪山寺眺望

客到層巒一振衣。江山萬態擁禪扉。雲平野岫峰如

明詩三言律卷一

四

業

打雨過空林。塔欲飛。複道香煙迷咫尺。海宮珠色動
霏微。憑闌不盡三湘勝。長嘯真從天外歸。

○登岳陽樓

高閣層城四望開。洞庭秋色正徘徊。湖吞九水浮天
闊。地擁三巴入鏡來。赤甲雲生神女過。黃陵日落帝
妃哀。尋源不必乘槎去。直取君山作渡杯。

○於信夫邀餞潮音閣

萬里秋風動五溪。空王臺殿白雲齊。客來蓮葉舟堪
繫。仙去桃花渡已迷。握手故人非少壯。攜尊落日更

攀躋憑闌醉問黔陽道。一指蠻煙楚塞西。

行經桃源

中三聯可為
飛源圖譜
天闢靈源一逕通。石林秋色上虛空。谿聲暗咽秦時
雨。村落仍遺晉代風。千尺藤蘿丹洞口。幾家雞犬白
雲中。相逢野老殊顏色。莫問桃花何處紅。

馬底道中

武陵西入酉陽關。蜀道何如此地艱。緣磴屢窮千仞
石。穿雲猶阻萬重山。蠻煙似出檐帷裏。亂瀑爭鳴霄
漢間。落日雙懸遊子淚。幾時叱馭好東還。

同詩七言律卷二

五

吳丙初

夜泊都昌有感

湖上千山抱邑城。夕陽孤棹遠天橫。黃花何處逢人
醉。白髮應從此夜生。萬里星辰纏殺氣。幾家砧杵斷
秋聲。陶公事業遺墟在。今古中原抱甕情。

元夕同諸大夫讌劉子元中丞宅觀燈

中三聯如先
燈吐彩華
薄長舒
高館長筵樂事餘。春燈熠熠吐飛霞。金輦遠駕三神
島。火樹旋開五色花。漏下星辰依客聚。曲終河漢倚
城斜。千金卜夜歡相戀。肯向樽前負物華。

登石鐘山

末聯有倚
劍八荒之
意

○楚客登高秋思濃。白雲隨杖入芙蓉。九江落日迷山
而。萬里寒濤響石鐘。古閣凌空愁過鳥。輕帆帶雨挾
飛龍。俯看天塹雄南北。何事中原有戍烽。

初度日家兄遣兩僮適至兩僮並善吹笛聞之

悵然

東風搔首夜郎城。一字鄉書百感生。侍子雙調雲夢
管。當筵忽作鳳鸞聲。梅花落盡春難寄。律呂和來怨
未明。却是吹填人。萬里關山何處不含情。

過層臺驛

明詩七言律卷十

六

初

野潦奔鳴石徑斜。疎林殘日見田家。編籬半護堊王
竹。築塢新移望帝花。荒徼萬山連蜀道。遠人重譯問
京華。鄉音斷絕愁如夢。何處風高急暮笳。

喜元美擢大僕卿有寄一首

攬轡霜清楚甸寒。徵書遙下彩雲端。天門八翼飛如
夢。帝輦群龍馭正安。事定交遊無按劍。書傳湖海一
彈冠。西山未改當時色。誰共華陽倚醉看。

九日同諸公宴吳總戎山第

巖甲巖前萬馬嘶。八番秋色閃朱旗。黃花細遶山亭

發綺席旋從幕府移。門客盡韜蓮萼。劍侍童爭唱竹枝辭。佳辰况值平蠻後。莫厭婆娑倒接羅。

夏日齋中即事

夏木陰陰覆廣除。小亭長日坐披書。客緣踈懶逢迎少年入。衰遲夢寐虛關塞。總留羈宦迹蓬蒿。不讓野人居。匡衡遠牒何時解。悵指浮雲是故廬。

署閣朝來宿霧濃。開軒四望失群峰。弦歌自穩居夷調。磬折聊為玩世容。古栢連雲巢鶴鶴。空城積雨鬪蛟龍。匡時無力頭虛白。薄暮愁聞遠寺鐘。

明詩七言律卷十

七

何成德

雪中渡章江有作柬龍沙匡南斗西三君

章江萬里北風號。雲裏寒裳問渡勞。寒疊浪花飛不起。光搖沙磧望逾高。追趨却異王猷棹。故舊曾同范叔袍。此日國中誰和曲。陽春只合向君操。

寄題陳憲卿職方夏汭園

司馬園開江漢間。小從波上疊青山。蓬蒿密擁懸車卧。鷗鷺群隨抱甕閒。老去丹心仍魏闕。書成紫氣即函關。月明萬里天如雪。何得扁舟訪戴還。

答歐楨伯見寄

諸詩有散髮重陰抱杖清渠之意

諸詩若伯牙鼓瑟仰馬而舞玄鶴

一失風波萬里餘。十年消息數行書。張騫異域迷通
道。詹尹江潭困卜居。自是青雲遊子薄。非關白髮故人
疎。來詩云可能一字寄蓬蒿蓋責予疎也君今且莫深巖穴。合有新
知薦子虛。

將發貴州留題署中

已分孤臣老百蠻。除書猶自發燕關。官同太史周南
寄節似張騫。異域還白首。從人增薄祿。彩毫隨處紀
名山。夜郎臺畔江如珥。別去仍懸夢寐間。

訪陳鳴仲戶曹

逢人白眼竟紛紛。耐可南遊一見君。金筑萬山深繫
馬。銅崖片石好論文。別來齒髮看仍健。怪殺林泉謗
未分。蘭桂滿庭生計足。乾坤何事不浮雲。

大中丞趙公招飲江漢樓作

官閣新成楚望偏。舳艫銜尾障晴川。由來南郡登高
處。絕似昆明習戰年。萬里天浮江漢入。雙城地夾斗
牛懸。元戎不淺匡時意。釀酒重歌寶劍篇。

奉懷潯東中丞時公既禫除撰儀封志新成行

于世

檀子木鐸
用事切當
留侯黄石
含有風致
明卿共作
自張公口中
得之故用以
為殿後

肖甫與于
麟元美同
時結社詩
精嚴有氣
岸蓋在字
之間公又與
余及拱辰僅
一再晤乃萬
里投贈無
歲無之近復
得其塞止

首益為絕
倡

立馬梁園問故知。儀封咫尺若為期。銜哀已踰檀子
禮。弔古仍餘木鐸思。天上星辰懸玉帛。江南部曲擁
旌旗。留侯漫擬從仙去。黃石經綸是帝師。

張佳胤

字肖甫號峒峒銅梁人嘉靖庚戌進士官兵部侍郎

秋夜集大梁陸道涵

別君春雪滿長安。此會翻驚木葉丹。多病九秋邊鴈
過。相思獨夜井梧寒。梁園有賦誰同調。巴里非才欲
和難。不盡魏臺尊酒興。黃花期共醉中看。

送鄭寶雞之任

明詩三言卷一

九

秋風陶令別黃花。試宰秦關驛路賒。北去鴈聲經二
華。西來雲氣度三巴。孤琴夜抱雞臺月。清晝簾虛渭
水涯。早晚帝城飛玉舄。肯隨勾漏覓丹砂。

送陸與繩之金陵

慷慨論交意氣深。離歌忽斷故人心。風塵我贈張華
劍。清白君無陸賈金。帆度石城江館暮。月臨鐘阜海
雲陰。鳳凰臺上堪回首。春鴈寧忘薊北音。

奉寄穆少春憲伯

拂衣何意賦閑居。去國人傳畫省虛。雷義高情看被

髮陶潛歸計在吾廬。江湖萬里秋風起。南北岐途
騎踈。最怪嵇康真傲吏。令人嬾讀絕交書。

春日登張家口市場二首

四首。雄風。猛氣高視。千古元美子。鱗當為錯愕。
抗旌春望盡。龍荒青入祁。連接混茫紫。塞千峯歸鎖
鑰。嚴關萬馬見騰驤。提衡齊控東西校。稽顙俱稱左
右王。一自北門勞卧護。肯容燧色過漁陽。

元戎小隊踏芳行。北斗朱旗雪後明。當座雲扶千堞
上。雅歌春擁一裘輕。盃搖無定飛鴻影。日暮時聞疊
鼓聲。便欲登封臨瀚海。匣中龍氣已縱橫。

尾聯有飲馬河源遊日崑崙之意

十

春日同制府登北山用韻二首

借得桑門半日閑。相攜春色共登山。靈巖花發遊人
屐。石洞雲封靜者關。尊倚孤亭玄塞上。天容雙眼赤
霄間。穹廬指點降王畫。獨立蒼茫一破顏。

青尊遲日兩無違。隨意班荆坐翠微。地勝俱憑孤杖
得。天空不礙片雲飛。東瞻陵樹浮佳氣。西眺軍城帶
晚暉。酌莫辭今夕會。興來還欲典春衣。

答睢陽李子中

碭山佳氣傍幽居。四壁猶懸舊賜車。玄室逢迎多問

字青雲消息付徵書。浮生尊酒隨蓬澤。落日漁樵托
孟諸。幾上平臺懷賦客。倦遊吾已似相如。

張掖使院中懷吳高州明卿

居延客舍虜塵間。南去冥鴻不可攀。海上有人生白
髮。郡中無事對青山。積薪世態休相問。隨牒功名且
未還。落日思君俱異域。何年得望玉門關。

登函關城樓

樓上春雲雉堞齊。秦川芳草共萋萋。聲知雨後河流
急。青入窓中華嶽低。客久獨憑三尺劍。時清何用一
丸泥。登高眺極鄉心起。關樹重遮萬嶺西。

明詩七言律卷十

十一

吳万初

秋夜飲許後谷少谷昆玉宅

入關虛說異人來。愛客頻將綺宴開。繫馬秋臨玄度
宅。登堂花發李膺杯。城高急雨驚傳柝。曲罷西風起
落梅。連日盡遊冠蓋里。談天誰似二龍才。

寄吳化卿侍御

一麾長傍大河濶。表上風霜歲月深。世俗交情仍貴
賤。書郵今日感浮沉。三秋喬嶽愁中賦。萬里寒江病
後心。夙昔酒徒燕市裏。相思聊代白頭吟。

諸詩如項
羽鉅鹿大
戰觀者人
股慄

遊金山

青擁芙蓉夾岸浮。躋攀更上最高樓。波分島嶼蛟人
室。風散帆檣估客舟。遠近日銜滄海色。東南天豁大
江流。舉觴萬頃真堪濫。氣盖勾吳百二州。

擬登焦山會風浪不果

孤峯東插海門青。眼底煙波動杳冥。不為雄風翻巨
浪。好將片席破滄溟。江天虛擬磨巖賦。石壁誰探瘞
鶴銘。自是勝遊難並得。豈應詞客妬山靈。

行役新蔡張助甫吏部夜過分韻

明詩七言律卷十

十一

吳正初

此作如燕
市酒人擊
筑痛哭

談天碣石憶當時。落日中原有所思。然諾千金看意
氣。結交雙劍並雄雌。途窮詞賦青雲薄。世變功名白
髮欺。諸子凋零君自見。存亡何處不堪悲。

夜投草涼留寄漢中分守甘五

棧雲寒滿黑貂裘。虎豹關長使者愁。西嚮青天懸蜀
道。東來白雪擁吳鈎。猿聲一夜清霜陔。月色千峯古
戍樓。獨坐空山正無賴。居然江漢想風流。

徐中行

字子與。號龍灣。長興人。嘉靖間進士。官方

題潘中丞留餘堂

汪伯玉謂子
與尊信于
蘇元美若

將尸而祝之
三子周視海
丙亦每推轂
子與子鱗又
云不意吳
越一甚取去方
生美子
與三子與吾
鼎立中原
出真不大奇
由此觀之則
子與之詩可
知

勳滿乾坤獨晏如。堂開綠野署留餘。非關物理嫌多
取。自喜榮名讓太虛。門似于公堪結駟。官仍柱史只
藏書。韋平素業君須見。玉樹參差接禁廬。

○九月八日登天津城樓遲謝山人李比部賦

搖落千山客思哀。城樓面面海雲開。漁陽秋色三邊
盡。碣石悲風萬里來。南北烽煙聊對酒。古今懷抱此
登臺。明朝更有龍山約。羌笛胡笳莫漫催。

奉題龍沙草堂

王孫別業大江東。江上青山面面通。授簡三相飛白

明詩二言律卷十

十三

吳丙初

雪披襟。六月起雄風。斗牛氣燭豐城上。金石聲藏魯
壁中。聞說高皇曾駐蹕。彩雲猶自傍行宮。

韋園同于鱗子相元美席上賦

鶯聲歷亂柳花飛。載酒名園興不違。時序祗今嗟髮
髮。天涯且復戀芳菲。風生杜若香浮席。雨過松蘿翠
滴衣。休沐更期旬日醉。它時或恐舊遊非。

○寄題李于鱗白雪樓二首

寥廓誰論碣石宮。千秋作者此樓中。自非海嶽開天
造。安得文章有國工。撫軫陽春迴黯淡。揮毫寒色散

三詩如任
公子為大詢
躡會秋
按東海其
所得魚亦大

鴻濛杜門莫怪常高臥。郢調人間未易同。

駘蕩深知宋玉才。層樓高倚倚宗開。月含雙掌雲邊出。濤擁三上海上來。梁苑賦成誰授簡。郢中歌罷自銜杯。側身東望飛揚甚。乘興焉能信宿迴。

送兵憲李公量移還豫章予亦被播歸吳興

向愁華髮願多違。何幸青山遂拂衣。一榻晝懸徐穉去。扁舟春送李膺歸。垂綸震澤歌明月。載酒廬山賦采薇。為報海鷗休浪訝。風塵回首久忘機。

寄答廣陵歐文學

明詩三言律卷十

古

初

蕪城客夢滿江臯。千里懷人尺素勞。篋裏夜光南海月。賦中秋色廣陵濤。談天寧復如燕市。玩世何妨似馬曹。念爾最憐中散調。知音寥落好誰操。

題門生汪惟一筠丘卷

娟娟修竹滿靈丘。竹裏煙霞澹不流。總為七賢留對酒。非關千畝擬封侯。月明嶰谷清音度。風起瀟湘白日秋。贈爾慚無枚叟賦。兔園雲色未應愁。

懷學憲尚公

憶昔雲間並使旌。相逢意氣更縱橫。三江風浪尊前

尚字難得
尾句切甚

出。二室煙霞賦裏生。歲月異鄉難會面。乾坤同病易
關情。周遊五嶽當年約。此日堪隨尚子平。

秋日同王元美兄弟遊顧司寇西郊別墅分得
山吹二字是日招宴城居

仙臺寥廓白雲間。謝傳歸來此閉關。斗下著書深紫
氣。窓中飛瀑滿青山。辟蘿秋老堪裁服。松栢年多好
駐顏。不是主人開閣待。高天日落詎能還。

城臨箬水路。逶迤樓敞天。風萬里吹。招隱偶依青桂
樹。銜恩猶憶白雲司。秋高嵐翠沾衣袂。日午松陰覆
酒卮。總是陳思門下客。還期明月共追隨。

都門送魏鴻臚還吳

乍看通籍在蓬萊。拂袖仍辭駿馬臺。秋色自高張翰
興。一官誰盡魏舒才。銜杯茂苑青山出。挂席維揚明
月來。回首五湖情不淺。悔將書劔老塵埃。

喜于鱗起家浙憲二首

青門祖帳故賢哉。丹詔新從海岱開。閭闔萬年真主
出。風雲一日臥龍來。中興堪借文章色。漢柱曾題侍
從才。最幸探奇司馬後。逢君重上禹王臺。

二作意氣
飛揚且逼
于鱗元美

中聯若赤
城霞起瀑
布飛流

衣冠朝散未央鐘。鞭弭中原豈易逢。忽自東方驅駟
馬。遂令南斗合雙龍。霞標欲避天台賦。紫氣仍來日
觀峯。何但故人忻御李。風流誰不慕詞宗。

○于鱗書徵元美及予為文會于吳山意氣豪甚

輒賦二詩壯之

二詩如蘇
秦約從諸
侯指畫歷
歷氣勢飛
翻

龍門高倚浙江邊。海內賢豪大會年。詞賦有盟歸掌
握。綵韃何地不周旋。縱橫南紀星辰動。氣色中興日
月懸。萬態盡銷吾黨在。狂歌還似薊門前。

禹壇文會遠相同。不讓談天碣石宮。授簡中原高白

明詩七言律卷十

十六

海

雪披襟大海起。雄風重來五嶽神。逾王老去千秋計
轉工。却笑永和修禊者。虛將翰墨擅江東。

過歐廣文首着齋同元美賦

首着齋清海月懸。桂枝新發早秋天。小山自喜留詞
客。微祿猶堪給酒錢。雙劍並緣歐冶出。孤琴曾是廣
陵傳。相逢片語能蠲疾。不俟觀濤已霍然。

歐治廣陵
二聯切當
精奇

九日抵京于鱗過飲懷元美魏郡

秋風幾日到長楊。濁酒新開漢苑旁。燕市十年還二
子。龍山何處又重陽。佩萸遙憶先朝賜。落帽深諳故

態狂躍馬獨憐三輔客登高頻望白雲鄉

○九日洪山寺登高懷于鱗明卿元美兄弟

情事凄切
實地黃花已自開倦遊詞客此登臺秋高落木千江
下天闊寒雲七澤來入楚漸成莊鳥病浮相虛愧馬
遷才遙知兄弟持螯處念我還停濁酒杯

○汪伯玉中丞起撫鄖陽志喜

音壯若層
臺指天高
城積雉

歸來推轂動巖廊六傳依然鎮帝鄉記室半傾天下
士戈船親繫日南王登樓明月三湘滿倚劍雄風萬
里長開府誌論文與武秬今誰似杜當陽

明詩七言卷十

十七

王敬美自陪京禮部分司遷員外郎還朝

藻麗精切
六朝詞賦起揮毫八月仙帆揭海濤王氏才名推小
令漢家禮樂屬東曹搏風雲路雙鴻影就日天池一
鳳毛爾去代興燕市裏酒人誰復似荆高

丘宗伯邀顧大參王侍御及予雪後登赤壁作

自宋事翻
出不落宋
調

鳴珂舊接五雲班醜酒平臨七澤間霞落高天銜赤
壁雪晴遠岸出青山狂來意氣堪橫槊老去風塵更
賜環不是蘇公會放逐誰將二賦壯江關

年家陳玉叔廷評方孖及刺史李元甫李本寧

二吉士方景武山人過集得年字

天涯病起復遊燕。歲晚通家意氣偏。上苑星從今夜聚。西山月為故人圓。彈冠白首慚先達。載筆青雲羨少年。屈指曹踰一紀。詞林猶說郢中篇。

此作如輕
陰籠暈露
色宜人

○齊安雪中得仲晦王孫德甫觀察書并詩却寄
二子才名鄴下齊。尺書朝發豫章西。斗間龍氣寒相傍。江上鴻音雪不迷。古調雙長青玉案。山翁一醉白銅鞮。不禁此夜飛揚甚。清興冷然到剡溪。

送孔使君復守夔州

明詩七言律卷十

六

遷客新彈漢吏冠。春風相送使君灘。賜環自荷天恩重。叱馭寧辭蜀道難。益部星臨三峽曉。岷江濤起萬山寒。懸知戀闕情無限。永夜遙從北斗看。

春日從吳太僕周給事高光州沈李二山人陪

李觀察西湖雅集得山字

千秋曼倩在人間。十日平原未擬還。鼓柁煙中歌白苧。開尊雨後出青瑛。舊知鄉里詞華客。半是雲霄供奉班。望氣異時傳太史。文星今夜滿吳關。

奉贈顧中翰汝和奉使祭告德衡二藩兼祠沂

山東海已事訪李于鱗山中

三齊帶礪壯皇居。六傳飛揚薄孟諸。滄海觀風吳季札。詞臣奉使漢相如。金銀忽動蓬萊色。科斗親窺魯殿書。鳳沼倘逢兄弟問。龍門曾御李膺車。

秋日諸君餞焦山作

蒼龍曙色滿漁舫。一嘯扶桑海日高。勢敵金山分氣象。雄臨鐵甕壯波濤。清秋月向中原盡。華髮名堪此地逃。無奈長風催去棹。白雲猶自裊征袍。

奉送元相華亭徐公南還

浮雲西北晚冥冥。元宰新傳出漢庭。薇省天迴三殿紫。布帆秋挂五湖青。帝從宵旰思賢佐。人向煙霞仰歲星。門下侯芭今白首。相逢猶得問玄經。

方逢時

字行之號樗野鄂郡人嘉靖間進士官兵部尚書

送曹僉憲赴成都

天寒碣石斷飛鴻。擊筑歌殘惜去踪。持節何須悲蜀道。剖符今復見文翁。江涵落日金沙遠。山擁晴雲玉壘雄。訪古時過楊子宅。草玄臺上野花紅。

出塞二首

方公詩氣勢雄其律法嚴整如嫖姚出塞萬騎橫嘶而部伍自不可亂

諸詩雄健
如飛黃振
鬣萬馬
辟易

紫塞春晴煙霧銷悠悠旌旆自雲霄飛揚虎旅鳴金
甲蹀躞龍媒振玉鑣拜舞闕氏能漢語歸降冒頓故
天驕千年景運開明世一統華夷屬聖朝

春盡三關草樹芳寒風猶自灑衣裳更誰馳志伊吾
北却笑輕謀馬邑傍終古山河分兩界於今封建比
諸王俺答封順義王須知野性難馴伏願學虞臣戒怠荒

立秋日書懷

空庭白露曉離離楚客逢秋益自悲碧海屠龍虛有
枝青冥跨鶴尚無期寒生絺綌思裁芟老怯干戈欲
杖藜為愛季鷹真達者扁舟東下更無疑

馬元戎出塞得勝國特准西按察使楊公墓碑
印以見遺賦謝

上國秋風靜鼓鼙將軍行獵出邊陲先聲遠震單于
壘遺刻新傳按察碑魯豕依稀金薤蝕龜龍剝落石
苔滋知君素抱橫行畧期勒燕然續漢辭

客思

秋來客思日依依高卧閑齋獨掩扉細雨變衰燕地
草涼風吹老楚山薇壯心落落空雞唱歸計悠悠又

雄俊如騰
駕蜚魚超
歷八極

真有飛颺
離俗巖居
谷飲之意

鴈飛赤壁江邊舊遊處。暮花開遍釣魚磯。

過天津

城頭初日亂啼鴉。客子行歌上使槎。蠻氣高連蓬島近。鴈行遙度薊門斜。河聲過雨添新漲。草色和煙蘸淺沙。聞道邊庭猶苦戰。九關西望動悲笳。

再遊鉢池山次周水部韻

境入招提一徑微。參差臺殿散清暉。客來山靜惟聞磬。僧定雲深不掩扉。象外煙花秋欲盡。水邊燈火夜初歸。浮生尚覺迷津遠。回首東林愧鳥飛。

明詩上言律卷十

廿一

黎民表

字惟敬。號瑤石。廣之從化人。嘉靖間舉人。官參議。

○九日同諸公登感應觀閣

惟敬詩雅有奇致。無精體裁。南海故多詩人。足為翹楚。

白玉壺中羽景懸。樓居元自有神仙。坐窺睥睨踈榆外。林引關山落鴈前。楚客衣冠逢改歲。漢庭烽火入窮邊。桑田碧海空愁思。誰解乘鸞向紫煙。

祈穀齋居

鈴索無聲樹色寒。焦靈臺上拜千官。旌旗夜繞長楊陌。燈火春祠太乙壇。煖入芳郊陽氣淺。月臨青閣曙光殘。揚雄白首玄經在。誰捧雲中玉露盤。

寄壽大司徒石渚馬公時有存問之典

翠釜黃封下日邊。兩朝恩數故應全。庭中錫馬桓榮老。席上揮金疏傅賢。飛輓尚憐司計日。參苓曾給住山年。荀陳賔從何由托。長望關門紫氣前。

奉答斗西丈

三江晴色起飛鴻。芳訊遙傳自楚宮。紫氣獨看南斗外。陽春多在郢樓中。薄遊豈有裾堪曳。上客深慙瑟未工。湖海乞身從此去。灑蘭吟望思無窮。

秋夜余德甫見過

三詩若蒲稍之馬飾以流蘇文采翩翩

明詩三言律卷十

廿三

漢闥煙花望不迷。停車還為訪幽栖。秋殘河漢雙鴻斷。霜肅關山萬騎嘶。露下金盤誰共倚。尊前龍劍故相攜。江南封事頻頻上。十載乾坤厭鼓鼙。

酬用晦

才名虛薄詎須論。懸榻惟多古義存。庾嶺梅花傳白雪。龍沙江月夢朱門。著書何用物鴻寶。作賦還應擬兔園。衰白可堪遊轉倦。尚思抽筆奉清言。

滕王閣借德甫用晦分得朝字

西山凝望過崇朝。暑氣真憐此地遙。叢桂詞人方握

別白雲仙吏。遠相招。迴看庾嶺無來鴈。一去潯陽有暮潮。邂逅酒杯霑灑。易天涯。能不夢漁樵。

沈愷

政字舜臣。號鳳峯。華亭人。嘉靖己丑進士官叅

登黃州竹樓

沈詩肉骨
勻稱條達
不滯

伐竹為臺。拂紫煙。琅玕風骨尚依然。不將金碧供時好。自愛清幽淨俗緣。奕響遠從空外落。琴聲若為谷中傳。秦樓謾憶雲霄裏。一榻清風自歲年。

遊南嶽

獨挾仙風跨紫鸞。飄然逸思振雲翰。煙消翠蓋千山出。人在清虛六月寒。梵磬有時空外落。曇花飛雨靜中看。塵心到此渾無着。極目南天一倚欄。

懷清源詹息齋

才子清時賦遠遊。氣凌霄漢拂吳鉤。春風花鳥蘭陵酒。夜月笙歌太白樓。一笑十年居海國。幾迴三月下揚州。太平已見開東閣。莫謂新豐滯馬周。

和皇甫百泉年兒

一別十年勞夢想。相逢何忍遽言歸。曲江風月幾人存。故國山川一笑稀。守道豈嫌工瑟悞。思鄉元不為

別詩七言律卷十

廿三

鱸肥便拚累月詩千首莫怪休文減舊圍。

歐大任

字楨伯號崙山廣之南海人嘉靖貢士萬曆間主事

西苑

余每於王元美諸人詩中知歐君及讀其詩又蔚然作家也

日上觚稜照綵旂西宮夜醮火初收滄池波色青門
曉長樂鐘聲碧樹秋岳采芝諸使出中天築館萬
靈遊漢家詞客頭將白汾水年年望御舟。

姚元白枉書問訊

諸詩卷萋萋纖草落落長松

婆娑偶寄漆園間蔗徑首深頗似閑公事只堪對流
水宦情吾自有青山窓中蝴蝶頻支枕松下楞伽一

明詩七言律卷十

廿

掩關聞道故人罷官蚤白雲遙羨鳥知還

過隋故宮

龍舸忘歸幾歲華六軍飛輓萬方嗟遼陽鼓角滄波
遠鞏洛山河落日斜水調楊花歌九曲江遊螢火散
千家燕城莫引中原目衰柳殘堤宿暮鴉

南溪泛舟遇雨客有懷江南者共賦中字

城西陂上晚溟濛越客扁舟望不窮渭水雲沉波色

裏長楊秋在雨聲中乍飛鶴子翻池白欲盡荷花墜

露紅多少燕姬愁翠黛共將離思寄江楓

徐氏園留別金陵諸公

一尊出祖鳳凰原。猶是高皇舊賜園。淮水不知明月去。鐘山今見草堂存。文章江左群公盛。韋杜城南二姓尊。別去獨憐招隱賦。萋萋芳草憶王孫。

王穉登

字百穀號玉遮長洲人隆萬間監生

正月十四日雪得花字

王生語意沛然王元美謂其去多去長便可名家信然

小院青樓巷陌斜。鈎簾隔水聽琵琶。江天夜黑燈為月。山縣春遲雪作花。火樹瑤華光並入。兔園鰲市興同賒。狂歌痛飲真吾事。肯惜黃金問酒家。

明詩七言律卷一

十五

中

代簡皇甫司勳求序拙藁

先達風流故宛然。一時傾蓋便忘年。三都賦就從玄晏。七叙書成待孟堅。心比雕龍徒自苦。名同附驥易為傳。竒文五色如相贈。日月螢光敢並懸。

鄔佐卿

字汝翼丹徒人庠生

無題

小樓日日燕飛頻。夢斷昭陽憶舊人。總為行雲憐薄命。敢將歌舞怨風塵。簾移鵬鏡杯前月。漏盡鴛鴦被底春。誰道牡丹零落盡。看花雙淚欲沾巾。

麗句

余既選伯敷詩二首乃復得其前頭三首愈覺有致其書法又當余也

區太公詩

瀟洒絕塵

大是錢又

之調開元

弘正之間

此為正體

區益

字叔讓號兩蓮廣東高明人嘉靖間舉人官至温州府同知

謾述呈諸同年一首

談天諸子昔齊宮。此日看雲桂水東。盛世鳴珂還幾
輩。滄江把釣有箕翁。中原道路各驅馬。明月關山舊
聽鴻。蓬轉偶然同此地。好乘黃鶴躡仙蹤。

海珠寺同章峴陶節推宴集

碧海珠光日夜浮。百年天地此同遊。花宮遠映三山
樹。水國寒凝四序秋。雨過欲明雲外岫。蜃來忽結海
中樓。為耽佳勝依仙侶。向晚還淹島上舟。

明詩七言律卷十

廿六

小金山

百尺鰲峰雲欲浮。衣冠靈氣此招遊。清江碧石今猶
昔。細雨寒烟晚似秋。日落魚龍還聽法。天高鶴鶴自
依樓。何時結侶蓬瀛去。截海凌濤共泛舟。

懷羅浮

十載羅浮擬結廬。可堪身世坐躊躇。鉄橋自繞諸溪
水。丹壑空藏小酉書。豈有青精供歲月。從他黃髮老
樵漁。鞭龍欲挾飛仙去。秋晚松苓好自鉏。

舟中立春遣懷

濁酒春盤隔歲看。鹿門生計晚逾安。風塵白首雙龍劍。世事浮雲一鷓鴣。冠健食。豈須求藥物。無能只合老漁竿。憑誰更有江湖興。共把陽春入郢彈。

登鎮海樓

嶺海雄樓天下聞。何年結構自凌雲。層簷夜倒扶桑色。畫拱晴飛象緯文。百越河山開壯麗。五羊烟樹入平分。登臨莫訝多詞客。黃鸝天風迥不群。

仙岩寺次王後橋

世路勞勞枉問津。祇園杯酒况逢春。羅山水石偏留客。粵國尊鱸久待人。萬事到頭成幻寂。叢林別去隔音塵。他年欲訊江湖跡。笈篋長宜逸客身。

登柳州城樓用柳子厚韻

山自嶙峋野自荒。憑高一望思微茫。瘴烟漠漠籠沙草。雲岫重重拱堞墻。彈劍未應收客淚。聞笳空自斷人腸。尺書欲向雙魚寄。江水東流是故鄉。

膺月立春後一日羊城紀遊

三城景色逼年殘。東泛那堪旅思漫。世路倦餘還杖策。滄洲棲穩復彈冠。春浮孤嶼珠光動。日射層樺紫

氣寒湖海十年回首地。烟花仍作舊遊看。

安紹芳字茂卿無錫人庠生

送曾中丞赴蜀

精深之語

玉節遙看萬里行。鳴笳吹角震西京。天邊劍閣雲為
棧。極裏巴江錦作城。墩到百蠻新喻蜀。圖餘八陣舊
藏兵。褰帷父老煩相訊。詞賦何人似長卿。

唐詩字子言號石東無錫人隆慶山人

唐生冲雅不俗

小春

臘月閏餘寒較遲。小春風日故依微。天涯知己黃花

明詩七言律卷十

廿

老。江上懷人白鴈稀。客鬢不銷塵土恨。風光猶戀芟

荷衣。還憐歲晚足冰雪。故國新年歸未歸。

登雨花臺和韻

江上波流去不迴。江頭野客獨吟來。欲窮伯業千年
事。還上春風百尺臺。城挾鐘山雲氣擁。天垂紫禁日
華開。六朝已信真如夢。啼鳥飛花不盡哀。

方九功

號

新渠河南南陽人乙丑進士官兵部侍郎

次韻奉荅少春穆老先生

向栽松桂已成行。白水依然舊草堂。客子倦遊還小

方公刻意
吟咏詩有
雅致所著
息機堂稿
余曾校于
數首偶忘
失之茲為
刻其扇頭
四首

隱故人芳訊自遛方題將紈扇生春色吟罷空齋卧
夕陽兩地神交難會面令人長憶鄭公鄉

不為離憂賦楚詞故園今喜愜幽期予從蓮社耽詩
酒君自騷壇建鼓旂伏枕徒懷中散驚素居誰問子
雲奇平原十日何年事且誦新詩一解頤

寄金陵舊遊諸君子

才微祿厚媿難酬聖主恩深得賜休拋去故園松桂
晚歸來初脹芰荷秋忘機任自狎鷗鳥往事憑誰呼
馬牛獨憶舊遊心賞處幾回飛夢石城頭

四詩上三律卷十

廿九

春風吹髮忽成絲旅食京華歲幾期多病祇宜還舊
業不才焉敢怨明時翔翔鸞鳳應千仞棲息鷓鴣戀
一枝從此雲霄書斷絕踈慵那報巨源知

區大相

字用林

孺號海目高明人萬曆己丑進士官

送同年傅長孺之南太常

容臺高傍鼎門西聞道官衙近御堤仙樂度雲來綺
閣暮花臨水照清溪砧聲吳苑催鴻影雪色燕山送
馬蹄為問太常齋後酒幾回相憶醉如泥

並馬長安似鴈行鮮貂暫醉酒人傍客從片玉推高

區長公詩
詞華偉麗
器度豁如
價在高舉
已上矣

第官自清齋守太常魏闕丹楓懸旅夢燕臺殘菊照
離觴二京禮樂從來盛誰奏郊雍入建章

黎秘書遊石室山歸見贈次韻奉答

巾鳥飄飄馭紫氛壺中常挹列仙群蘇門客自叅鸞
嘯石室人誰辨鳥文把酒欲穿岩下溜揮毫新帶澗
邊雲謝公雅有登山興不是羊何敢和君

端州

離江南下郡城開誰道偏隅不壯哉過嶺山川無瘴
癘浮雲東北有樓臺秦兵棧閣天邊出漢使戈船樹
杪來重鎮獨當全節制百蠻今仗濟時才

明詩七言律卷十

黎秘書惟敬先生樓居新成賦贈

樓對仙城望不賒新開林壑駐烟霞當門小徑宜栽
竹背屋閑園可種瓜座引青藜頻徙倚醉餘皂帽任
歌斜問竒客指楊雄宅送酒人尋處士家

雲氣當年護直廬解歸猶自好樓居烟浮樹色侵絳
帳杯領山光入綺躡門巷陰森五株柳花林坐卧一
床書問君幾枕羲皇上清夢還能到玉除

送葛太史歸省祖父母太夫人

僂直初回侍從臣。斑衣暫許向東秦。重闈日愛孫枝永。太史風兼祖德陳。身為報劉歸思切。朝因乘駟寵行新。閑居未擬潘安賦。銀管深恩在紫宸。

萬壽節朝賀

華渚秋澄日角邊。瑤觴初捧玉旒前。千官地近聆天語。萬歲聲長接御筵。內宴笙歌瓊苑沸。中興日月瑞圖懸。詞臣獻納開金鑑。何似堯封祝帝年。

○王宗魯大叅自楚入賀賦贈

握手誰同和栢梁。十年西省尚書郎。薇花近識江藩

明詩七言律卷一

卅一

貴瑤水歡承玉醴香。日月自高雙鳳闕。衣冠重肅舊鵷行。由來郢曲詞臣擅。白雪新裁獻壽章。

中秋夜梁中秘宅同黎君華大叅舍弟孝先集

時君華將復任江西

月轉西墉影。露盤鳳池清。讌碧梧。寒幾家。砧杵高城急。何處關山獨客看。瓊樹乍連千里隔。桂宮初借一枝安。與君預計分携後。誰共南樓此夕懽。

送蔣道力吉士還閩終養

青鬢焚魚事已稀。新裁宮錦勝萊衣。版輿詔許寧親

去金馬。思如握節歸客路。千村。卅橋在。離心一片白雲飛。看君救水情偏切。簪筆何年入禁闈。

纔唱驪駒不可羈。五雲分手欲何之。豈緣滄海辭金馬。為憶斑衣下玉墀。仙鷺忍違天上侶。慈烏偏戀日南枝。遙知親壽無窮祝。並轡長安未有期。

孟冬朔日頒曆

初冬玄律御明堂。寶曆琅函出尚方。雨露九天隨正朔。衣冠萬國奉春王。瑤階賞應堯時發。玉座雲扶舜日長。更喜看來新甲子。先從霄漢被恩光。

明詩七言律卷十

廿一

送朱太史冊封周藩

御前宣詔紫泥香。花裏鳴珂出建章。桐葉舊封周社遠。金函重拜漢恩長。平臺春暮饒修竹。汴水堤遙帶古楊。早晚輜軒還問俗。可知枚馬但遊梁。

送劉紫星大行冊封淮藩兼過家省覲

橐筆同君奏賦來。封軺先下建章臺。推恩去擁分藩節。奉使元多屬國才。淮口春波移白舫。江南新雨熟黃梅。過家牛酒稱觴日。不羨相如喻蜀回。

聞大名塗使君報滿寄贈

賜金曾是主恩優。露冕還因一郡留。三輔政成聞
下鳳。兩河歌動想行騶。孟舒舊美雲中守。黃霸終為
關內侯。莫向北門論鎖鑰。安危將借幄中籌。

舍弟試為千室宰。使君政喜萬人傳。近聞上計來。渾
水正恐攀留似潁川。魏國山河元在德。漢庭郡縣本
徵賢。趁朝尚問江陵守。賜對從知亦偶然。時皇

城西華門火有詔修省

寄題穆敬甫考功逍遙園

帶部蘄茅卜築幽。隱居何日問菟裘。尊留客新開
徑。萬卷藏書舊有樓。疊石叢花移遠岫。穿池列檻俯
清流。知君鵬鷖聊相戲。且共逍遙萬里遊。

雨中歐大理招同高正甫飲靈濟宮

紫宸朝退訪諸天。細雨邀賓敞法筵。院裏爐烟飄御
幄。壇邊花樹接甘泉。雲來碣石尊仍綠。客至金庭草
又玄。碧海黃塵俱莫問。春風同聽蕊珠篇。

再寄題逍遙園

玄草亭成湯寂寂。逍遙園客賦逍遙。白雲河上秋無
限。黃鵠天邊誰共招。三徑壺觴閒水石。一枝烟雨借

鷓鴣何時過，接支公論。使我風塵百慮消。

竹在亭為王孫朱貞吉賦

檀欒修竹借朱闌，公子新亭詠考槃。托興我傳枚叟賦，幽居君作蔣生看。兔園盡日雲烟合，嶰谷先秋玉露團。舊是夾池留客處，幾迴清讌對琅干。

區大倫

字孝先，號羅陽，高明人。萬曆己丑進士，初任東明知縣。

穆敬甫先生招飲乾山同諸公翫牡丹

折簡西亭駐玉珂，捲簾春事滿漳河。園鄰魏苑風流在，花比河陽國色多。霞彩當尊飄紫袖，露華凝檻濕香羅。洛京尚想木人會，誰似清平此和歌。

區令公詩
清新宛麗
光彩動人
一斑窺豹
全體可知

送韓晉勳司理之武昌

花滿春城驛騎催，武昌南去漢江開。芳洲處士名猶在，黃鶴仙人句可裁。郭外烟波連楚望，簾前風色自蘭臺。亦知佐郡風流美，逢爾音書首重回。

縣齋即事

吏隱風塵四載餘，婆娑聊寄漆園居。籬邊斥鷃從相戲，江上冥鴻故不如。廳事獨看槐影寂，官情偏共鬢毛疎。課耕剩有鳴琴暇，和得田歌嬾著書。

鄭應南

字君傳號濱原莆田人係庠生隆慶間徵
辟逸才不赴隱千緡水之濱

夏日同社丈林君白郡丞黃夫亨給舍姪叔曉

僉憲集柳塘懷林若雨中丞

背郭林塘薜荔棲扁舟一繫午橋西荆扉寂歷空花落竹徑蕭疎自鳥啼避暑醉餘烟渚外枕流歌罷夕陽低同遊此日忘歸去更對垂楊拂舊堤

十畝遺蹤蘭水湄白雲深鎖已多時當年列栢猶餘蔭入坐名山即故知江上有懷河朔會樽前空托竹林期遲留不覺藤蘿月寥落偏生笛裏悲

明詩一

十五

過姚江訪楊司寇同登龍泉巖

江上秋深鴈影低平蕪疎葦獨萋萋傷心月色門杵寄跡松陰十里溪自逐風塵離谷口遙從雲水入關西高臨峻絕寒巖勝只尺千霄路不迷

贈山水鄭隱君

家近仙蹤雲水鄉閒居無日不徜徉醇醪約客山間熟蘭茝依人歲晚芳俗遠幽棲同鹿豕夢清高卧亦羲皇可能悟得延生術蓬島春風竟未央

清詩一

